

# HESIODI

ASCRAEI

POEMA, DE CLYPEO

*Herculis,*

IOANNE RAMO


*Goesano interprete.*

• LOVANIÆ

Apud Martinum Rotarium  
Bibliopolam Iurat.

M. D. LIII.

Cum Privilegio Cæ. Ma.



CLARISSIMO

VIRO IACOBO SVSIO

*Ziriceo*

*Ioannes Ramus. S.*



Vm Græcæ linguę profes-  
sor Hesiodi Clypeū in scho-  
lis suis prælegeret, quem  
ego apud me carmine trās-  
latum habebā, non potui  
quin eruditorū quorūdam  
hominum consilio me vinci permitterem,  
qui plurimum à me contendebant, vt no-  
stram translationem in gratiam auditorū  
Typographo darem imprimendam. Quod  
& si nō sine magno nominis mei periculo  
factum iri intelligerem, tamen quia amici  
erant qui hortabantur, & nostram versio-  
nē animo, vt videbatur, minimè simulato  
probabant, nihil dubitavi qualemcunque  
vulgi de mea audacia opinionem incurre-  
re, dūmodo Græcæ linguę studiosis viderē  
aliqua saltē parte nostrū officium studiūq;  
profuturum. Quia tamen verisimile erat  
in ipsa transferendi festinatione multa me  
fugisse, quę non satis cōmodè latina inter-

A ij

preta-

pretatione tetigissem : operæ precium mihi facturus videbar si ea tuæ censurę iudicioque committerem, quem sciebam, æquę esse in vtriusque linguę professione exercitatum, & in iudicando oculatissimū, atq; adeo optimum fore iudicem, quem vt te mihi prębeas, & si propter priuatas res tuas honeste à te reijcere possis, plurimū tamen velim vt hoc onus suscipias, tum propter alia, tum præcipuè vt nostra translatio, quæ multis locis fortasse nimis iners ac supina est, quàm emendatissima ad auditores Gręcæ linguę perueniat. Quod si facies, & nostrū opusculum aliquo patrocinio & fauore dignū iudicabis, nihil alienum à tuis moribus facies, vt qui præter opes (quas fortuna largissime in te effudit) cū summa humanitate summā eruditionē & pietatem coniunxeris. Vale Susie clarissime tuumque Ramum pro contracta olim inter nos amicitia complectere.  
Louanij 10. Cal. Apriles, Anno 1553.

# HESIODI ASCRAEI POEMA, DE Clypeo Herculis



*Um natale solum patriosque* Exordium a  
*Alcmena pœnates* comœdatione  
*Liqueret, & profugum se-* ne Alcme-  
*queretur nupta maritum* na, quæ Am-  
*Thebanos uersus fines, genus* phitricum  
*omne uerendum* patris sui  
*interfecto*  
*re Thebas*  
*secuta est.*

*Fœminei sexus formæ superabat honore,*  
*Atque omnes animi uincebat dotibus, atque*  
*Illius in uultu quiddam castoq; nitebat*  
*Vertice, quale ferè Veneris niter aurea circum.*  
*Tempora: deinde uirum quantum uix ulla colebat*  
*Inter quotquot habent mortalia pectora matres.*  
*Qui licet infauista genitorem cæde tulisset*  
*Illius, illa animum tenuit tamen usque priorem,*  
*Nec uertit quondam quos illi iunxerat ignes.*  
*Quinimo patria postquàm tellure relicta*  
*Versus Agenoreos fines, Cadmiq; superbum*  
*Imperio populum supplex gentemq; petisset,*  
*Illa secuta domos coniunx habitauit easdem.*  
*Non tamen amplexu prius est dignata maritum*

*Exemplum*  
*constantissi-*  
*mi amoris*  
*coniugum*  
*inier se*

# H E S I O D I

In thalamumq; admisit, agros quam uerteret ultor

*Occasobeli inter Amphitruonem & Taphios* Hostiles, flammâq; urbes à stirpe ruiſſet

Teleboum Taphiumq;, olim qui fortia ferro

Demisere neci magnorum corpora fratrum.

Quippe hoc facturum se protestantibus olim

Promisit superis, quibus hic si uerba dedisset

Illorum ultrices dextras irasq; timebat.

Ergo opus aggreditur promissaq; bella capeſſit.

*Catalogus eorum qui Amphitruonem secuti sunt.* Cui mox se comites equitum genus acce ruentum

Bœoti adiungunt, belli pugnaq; furentes

Ardore, & clypeos docti uersare trilices.

Et locri breuib; pugnantes cominus armis.

Quis sese inuicti bello quoque Phocides addunt.

Tales Amphitruo populos & talia bello

Pectora, Teleboas Taphiosq; assumit in hostes.

Iuppiter interea genitor diuumq; hominumq;

Præcipue hanc imo uersabat pectore curam:

Vt diuis aliquem subito & mortalibus ægris

Rerum assertorem faceret, belliq; ministrum.

Quæ mox cum certa staret sententia mente,

Vritur Alcmenæ formosæ uirginis igne,

*Iuppiter occupato foris Amphitruone Alcmena postur.* Inq; Typhaonium uenit nocturnus Olympo.

Phicion inde petit, partes ubi raptus in omnes

Se tandem optatis defunctus amoribus explet.

Quaq; thoro Alcmenæ se nocte immiscuit, illa

Amph y.

# C L Y P E V S.

*Amphytruo partis inimica ab gente trophæis  
Nocte domum redijt, nihil & cunctatus eosdem;  
Dilectæ ingreditur thalamos uxoris, amore  
Illius accensus caprusq; libidine formæ.*

*Afflictam ut rerum quisque euitare malarum      Cōparatio.  
Contendit summam, morbosq; & uincula retro  
Si qua fata sinant post terga relinquere certat.  
Sic belli Amphytruo motus finire, domumq;  
Festinabat iter, castis ut amoribus inde  
Coniugis Alcmenæ posset thalamoq; potiri,  
Ac tandem addictis quibus arserat ignibus uti.*

*Sic Alcmena Deo permixta uiroq; gemellos      Alcmena  
Edidit, hunc omni prorsus uirtute carentem,      ex Ioue & Her-  
Ast illum rebus bello seu pace gerendis      culæ, ex Am-  
Constantem, sæuum, fortē, ualidumq; grauemq;      phi. Iphiclea  
E Ioue quē peperit: sed Iphiclea ab Amphytrone      sustulit.  
Mortaliq; uiro coniunx permixta leuauit.  
Eq; Ioue, ut dixi, superūmq; hominumq; parente  
Sustulit Alciden, natum qui Martis, & ipsum  
Elato extinxit turgentem pectore Cygnum.      Hercules  
Quem fortē in Phœbi luco cū Marte uagantē      Cygnum  
Inuenit, pugnae cædisq; libidine plenum,      Martis  
Et uarijs utrosq; armis ferroque micantes,      litum ore  
Quorum pulsabant terram commota uolatu      fecit.*

*Corpora magnorum aripedum, plaustriq; uolatu*

*A. iij Puluis*

# H E S I O D I

*Pulvis ab illorum pedibus densissimus ibat  
 Obscura impediens totum caligine cœlum.  
 Et magni currus radij, thalibœaq; uincla  
 Ingeniem edebant sonitum, lætusq; præmebat  
 Spes animo uanas Cygnus, quod utroq; perempto  
 Auriga atque Iouis nato spolia ampla referret.  
 Verum his euentum spebus Cyrrhæus Apollo  
 Abnuuit, atque aures uotis occlusit, & auctum  
 Viribus Alciden geminos instruxit in hostes,  
 Quorū enses galeaq; nemus per Apollinis omne  
 Fulcere, & multo complerunt lumine syluam,  
 Visaq; nescio quid penitus commota minari  
 Luminaq; uuliusq; Dei, totoq; moueri  
 Pectore, & insanis facies efferuere flammis.  
 Nescio quis tantis queat hostibus obuius esse  
 Alcides si non possit uiridisq; Iolaus:  
 Quis magnæ uires, quibus & sunt fortia bello  
 Pectora, nec segnes ad martia prœlia dextræ.*

*Hercules  
 Iolao nepo  
 uex fratre*

*Tum sic Alcides Iolaum affatur & inquit.  
 Nescis quàm superos olim diuosq; potentes  
 Laferit Amphitruo, tūc cū sacra mœnia Thebes  
 (Tirynibum fugiens) & Agenoris arua petiuit  
 Ob cæsi inuidiam soceri: supplexq; Creonti  
 Factus & Heniochæ, profugū qui sedibus amplis  
 Dignati, ornarunt donis rerumq; dederunt*

*Quantum*



# C L Y P E V S.

Quantum supplicibus satis hospitioq; receptis.

Sicq; ibi foelicem chara cum coniuge uitam

Tranquillosq; dies egit, nondumq; peracto

Finierat cursum Titan reuolubilis anno,

Ecce tuus mecum genitor mox nascimur, atque

Prodimus gemini fratres moresq; animumq;

Dissimiles, alter penitus sine mente, soloq;

Iamolim patrio (sic diu uoluere) relicto

Euristhæa miser non una cede tyrannum

Infamem sequitur, scelerum nisi fortè pudore,

Degeneres animos & inertia pectora uertit.

Nec quoq; me immunè patitur Deu esse, laboresq;

Accumulans immittit & ingentes ærumnas.

Arrige nunc age equos phaleris auroq; superbos, Iolaus auri

Atque axes fidens animi currusq; gubernas, ga Hercul.

Nil uanos Martis strepitus, nihil arma moratus.

Qui Phœbi in longum iaculantis tela, uagatur ἐκατὴβα

Per nemus, armorum cupidus requiemq; perosus. λέταο

Cui licet in uasto magnæ sint corpore uires,

Nō tamē hinc nostro mihi uulnere fractus abibit.

Quem contra auriga est tali sermone locutus. Iolaus Her

Heu quantis auxit te Rex hominumq; Deumq; culi.

Laudibus, & pelagi rector Neptunus in arce

Qui tenet imperium Thebarum, urbemq; tuetur,

Quod tibi tam clara celebrem uirtute domandum

Obtu-

# H E S I O D I

Obiulerint hostem, quem si superaueris armis,  
 Nostris perpetuò notus memorabere fastis.  
 Fortia sume igitur, quibus omnia concutis, arma.  
 Ut subito coeant iunganturq; axibus axes  
 Et nostri & Martis, cuius nec adire feroces  
 Detrectamus equos, nec ad arma uenire mora-  
 Quinimo infestis in se cū surgere signis (mur.  
 Amphitruone satos gladijsq; instare uidebunt  
 Perculsi fugient, nec ad incita tela resistent.

Hercules  
 Ictao.

Dixit: & Alcides arrisit ad ista nepotis  
 Et tam constanti uenientia pectore uerba,  
 Affatusq; illum uolucris sermone uicissim  
 En Iolae, inquit, supremi cura Tonantis  
 Intentanda mihi mox arma ensesq; propinquant,  
 Tu si quando aliàs, modo uiribus utere, iamque

Arion equus  
 Hercules.

Omnes expedias trepidantis Arionis artes,  
 Ut iuuet in partem nunc hāc, nunc uersus in illā.

Hercules  
 ad pugnam  
 instruitur.

Sic fatus subito robustis cruribus aptat  
 Aëre renidentes ocreas, argentea circum  
 Vincula sortitas, thoracem deinde coruscis  
 Sydereum flammis uarioq; colore micantem  
 Induit, hunc illi Pallas florentibus annis  
 Anceps cū primum belli discrimen adiret  
 Obiulerat, colloq; enssem suspendit eburnū. (rū  
 Deinde humero accingit pharetrā, cui tinctile fer

Et

# C L Y P E V S.

Et tela occultis inerant imbuta uenenis.

*Tela uena  
no imbuta*

Vnde mouerentur lacrymæ gemitusq; cadetum,

Tela polita tamen uariisq; operosa figuris

Ac de more nigris uestita in cuspide pennis,

Missæ quibus celerem raperet per inane uolatum.

Tum iaculum capit oblongum ferroq; timendum

Præfixo, capitiq; aptat quàm ferre solebat

Terribilem cristis galeam, multoque rigentem

Circumquaque auro, qua protinus omnia posset

Alcides belli pugnando pericla morari.

Tum manibus Clypeū ingentē, uariūq; leuauit,

*Clypei Her-  
culis elegā-  
tissima &  
admirabilis  
descriptio.*

In quem nullæ unquam missæ ualuere sagittæ,

Plurimæque illæsus qui tela ensesque reiecit,

Quique ebore & uario passim spectabilis auro

Electroque nitet, cuiusq; uolumina gypso

Purpureas inter fulgescunt cærule Zonas.

In medio spiris tortus Draco, fronte reflexa,

Luminibusq; iacet multo igne rubentibus, & cui

Tergemino fauces inter stant ordine dentes

Magni terribiles, uultū cuiq; improba adumbrat

Spargere bellorum causas consueta ferox Lis.

Inq; stuporem animos & deficientiā uertit

*Homines  
uel solo a  
spectu huius  
monstri ena-  
cabantur,*

Pectora, in Alciden stringentum tela uirorum,

Et stygijs uitam morientum destinat umbris,

Mandat & æstiuo torrenda cadauera Phæbo.

*Hic*

# HESIODI

ὑποτί-  
πτωσις  
accerrima  
pugna.

Hic etiam diræ signa atrocissima pugnae,  
Inq; fugam uersos alios aliosq; sequentes  
Strage data uideas, multosq; hinc inde tumultus,  
Quos Eris adiuncto simul incitat improba Fato.  
Inueniesq; alios multo cum sanguine mistam  
Vitam exhalantes, alios in uulnera pronos  
Deficere, & uitam uix ducere, uulneris illum  
Expertem, hunc casum pedibus per tota reuinctis  
Castrâ rapi, iamq; arma uirum, iam corpora multa  
Cæde cruentari, & fluere atro sanguine uestes.

Sena bis hos iuxta stridentum colla Draconum  
Impetum in aduersos hostes factura uidentur,  
Qui contra Alciden ueniunt, aut arma minantur.  
Hocq; magis inter se stridunt dentibus, idem  
Quo magis Alcides profuso sanguine pugnat.  
Quorum terga notis maculisq; aspersa uideres,  
Collaq; non uno passim uariata colore.

Leonum &  
suum inter  
se certant

Haud procul inde Sues implacatiq; Leones  
Aduersi occurrunt oculis crudele tuentes,  
Et uelut hinc atq; hinc certamina magna daturi,  
Virinque expediunt acies, pars uiribus altram  
Neutra reformidans interrita fertur in hostem.  
Primus & exiliens apris leo fata duobus  
Intulit, atque horum quem membra dedere cruore  
Concretum gremio terra officiosa recepit.

Tam

# CLYPEVS.

Tam lætum pugnae auspiciū clamore secuti  
Excipiunt comites, & ad incita bella feruntur.

Inde sub his duri Lapithæ ualidiq; Gigantes Pugna Lapitharū cū Cētauris in nuptijs Pirithoi.  
Instituunt aciem Cæneus fortisq; Dryanteus  
Hoplus, Piritho<sup>o</sup>, Mopsus, Phalerus Prolochusq;  
Exadius, necnon pugnax Titaresius, atque  
Theseus Ægides fama immortalibus æquus.

Insignes auro iuuenes, insignia quiq;  
Arma humeros circum gestāt & pectora circum.  
Nubigenæ ex alia Centauri parte superbo  
Aduersi occurrunt certatim milite, primi  
Ante alios augur Petreus & Asbolus augur,  
Hurius atq; Arctus, Dryalus, Perimedes & ambo  
Peucida, uiridiq; Mimas spectabilis æuo.

Conspicui argēto iuuenes gemmisq; corusci  
Sidereis, dextra truncos & robora uibrant,  
Credideris uiuos, ita cominus arma uidentur  
Stringere, & infestis clypeis hastisq; minari.

Posthæc alipedes gradiui ipsumq; uideres  
Intentum prædæ Martem spolijsq; superbum,  
Et longum manibus duris hastile tenentem,  
Atque indignanti similem madidumq; cruore.  
Quem socij toto cupientes pectore bellum

Circunstāt Pauor atq; Metus, præssimq; sequuntur Pauor & metus ministri Martis  
Quos paruo Ioue nata urget discrimine Pallas,

Tristitia

# H E S I O D I

*Tristia terribili uoluens certamina uultu,  
Et gladium manibus galeamq; in uertice fulvā  
Horrendum quatiens, clypeoq; animosa se uero  
Infert se mediam spumanti sanguine pugnae.*

Deorum cō  
siliū.

*Hic quoq; Coelicolæ cuncti super aurea coeli  
Tecta sedent taciti, medius quos inter Apollo  
Auratam arguto citharam modulamine pulsāt  
Sacra ubi diuorum sedes & plurima fului,  
Circumfusa iacet uis innumerabilis auri.  
Blandulaq; inceptant uocales carmina Musæ  
Nil quicquam absimiles uiuis mollesq; Deorum  
Aures, sublata cantantes uoce morantur.*

Portus ima  
g.

*Et portum indomiti maris hic, littusq; uideres  
Aequoreum, solido fabricatum ex ære, tumensq;  
Ut solet iratis exurgere fluctibus æquor.  
Errantesq; etiam Delphinas in æquore cernas,  
Huc uiuis similes similesq; natantibus illuc  
Quos inter geminos meritò admireris euntes  
Multo præ cæteris auro argentoq; coruscōs  
Æquora qui uerrunt caudis æstumq; natando  
Exuperant, pauidos captantq; per æquora pisces  
Pronus & excelsa ripæ piscator in ora  
Explicat in pelagus iactandum rete, teneiq;  
Haud aliter quā si mox submissurus in undas.  
Inde sub his Danaes formosæ Persea natum  
Pendentem*

# C L Y P E V S.

Pendent et em uideas, nullaq; ex parte, nec usquam  
 Hærentem clypeo, nec ab illius orbe uigantem  
 Longius, insolita monstrum nouitate stupendum.  
 Quod faber ignipotens miranda ita finxerat arte.  
 Aurea cuius erant circum talaria plantas,  
 Quiq; enseni ex humeris, humeros redimicula cir-  
 Vaginantq; nigro uestitâ ad amantem gerebat, (cū  
 Et tam secreta clypeum super arte uolabat,  
 Ut non esse illum, sed imaginis illius umbras  
 Quilibet esse putet, quem Gorgonis ora Medusæ  
 A tergo auratis includunt undique bullis.  
 Atque Orci galea niueum uelante capillum  
 Ex oculis fugiens umbræ noctisq; ruentis.  
 Cingitur insidijs, gressusq; effingit euntis.  
 Cui tres incumbunt cursu post terga sorores  
 Præcipites, fratremq; petunt gemituq; lacessunt.  
 Vasta sub hoc resonât certamine marmora, datq;  
 Ingentem clypei latera omnia quassa fragorem;  
 Pondus id hos gemitus adamantina Zona deinceps  
 Excipit, in qua insunt squammosi terga Dracones  
 Cærulei, magni, immanes qui subila lambunt  
 Porrecti ad iugulum linguis uibrantibus ora.

Persens.  
 Sic Virg. de  
 Camilla, 7.  
 Sic per se  
 tes ambula  
 bat, ut eas  
 non attin  
 geret.

Perseus in  
 terfectæ Me  
 duse fugi  
 Orci galea  
 inuisibilem  
 se fecit.  
 Orci galea  
 Prouerb.

Zona superueniens maioribus incita turbis  
 Horret pugnantum fremitu concussa, ruuntq;  
 Binæ utrinque acies populorumq; arma duorum

simile est  
 apud Hom.  
 Iliad. 2.

Illinc



# H E S I O D I

Illinc pro patria charisq; parentibus, illinc  
 Urbis in exitum pugnatur, utrinque ruentum  
 Pars telis oppressa iacet, pars agmine facto  
 Dimicat, & uarijs pars sustinet artibus hostem.  
 Turribus è celsis matres trepidæq; puellæ  
 Acclamant, lachrymisq; genas & mœsta rigantes  
 Lumina, dissimiles uiuis nihil esse putares.  
 Ipsaq; tarda gelu uiuendoq; lassâ senectus,  
 Erumpit magno suspirans agmine portis.  
 Intentisq; deos precibus manibusq; supinis  
 Inuocat, ut reduces habeant sine sanguine natos.

Interea hos inter miserando funere campus  
 Fervet, & effuso restagnat gurgite sanguis.  
 Quo subito accurrunt facto simul agmine Porcæ  
 Toruæ, terribiles, & humi prostrata sequuntur  
 Corpora, seminecesq; uiros tepidumq; recenti  
 Cæde locum, & calido spumantes sanguine riuos,  
 Spirantèsque artus & adhuc uiuentia carpunt  
 Mēbra uirū, mæstas Erebi mittūtq; sub umbras,  
 Ac saturæ exhaustis epoto sanguine uenis,  
 Exanime abijciunt retro post terga cadauer,  
 Et uersæ repetunt stragem pugnamq; reuifunt.

Porcæ car  
 niuoræ tri  
 stitiâ cladi  
 augent.

Tres Par  
 tæ.

Illinc mox sequitur Clotho Lachesisq; sororq;  
 Atropos, haud equidē magno dea corpore, uerum  
 Quæ reliquas inter plus maiestatis habere

Cernitur



# CLYPEVS.

Cernitur & canis esse excellentior annis,  
 Quæ male concordēs partæ pro corpore prædæ,  
 Inter se iratæ rixis & torua tuentes  
 Inijciunt manibûsq; manus atq; unguibus ungues.

Pallida pone subit Caligo, perusta grauisq; Caligo dea;  
 Crassa genu, & succo uitali exhausta, cuiq;  
 Porrecta in longos manus utraq; desinit ungues:  
 Et cui perpetuo mucus sedet ore, genisq;  
 Fundit humi largo manantem sanguine riuum,  
 Et terram tabo maculat, facièmque pedèsque  
 Horrendis totum corpus conspersa fauillis.

Quam iuxta celsæ stare urbis mœnia cernas,  
 Mœnia septenis distincta ex ordine portis.  
 Insignesq; auro turres, ubi plurima luxu  
 Turba strepit, choreis & plebs genialibus omnis Nuptiales  
triumphi.  
 Curuli assultat sellæ qua nympha marito  
 Ducitur, ingenti circumstipante caterua.  
 Et facibus lætis urbs tota accensa coruscat,  
 Tectaq; collucent hymeneia festa parantum  
 Atque diem festis tædis flammisq; morantum.  
 Pone sequi cultas uideas longo agmine matres  
 Atq; choros, aliter tamen atq; aliter, chorus auras  
 Percurrens uario ciuicæ modulamine complet:  
 Ast illæ ad numeros & ad incita carmina saltât.  
 Parte alia lectis dapibus mensisq; procaces

# H E S I O D I

*Indulgent iuuenes quorum genialia læto  
Carmine & audaci resonant conuiuia luxu.  
Inter quos alij non læuo numine carmen  
Excipiunt, alij saltuq; chorisq; rotati  
Effundunt animos hilares, atque omnia passim  
Lætitiaq; iocisq; strepunt plausuq; resultant.*

*Multus & ante urbem feruet cōcursus, equisq;  
Exercetur agens ultro citroq; iuuentus.*

*Rustici la-  
bores.*

*Nonnulli breuibus culti ornatiq; lacernis,  
Fœcundam curuo proscindunt uomere terram,  
Quæ simul ac scissa est, segetem mox edit, eamq;  
Sedulus intentus messor metit undiq; falce.  
Hordea pone legunt iuuenes demessa, deinde  
In uacuis condunt Cerealia munera cellis.*

*Vindemia  
imago pul-  
cherrima.*

*Parte legunt alia maturas falcibus uuas  
Agricolæ, has alij calathis & uimine texto  
Excipiuntq; feruntq; humeris, penitusq; racemis  
Exonerant auro uitem argentiq; superbam,  
Quam diuûm rara faber usq; ita finxerat arte:  
Aurifera ueluti concussam fronde, grauemq;  
Pampineis folijs, & quam pulcherrimus auro  
Argentoq; pedamentorum sustinet ordo.  
Omnis ubi ad citharam salit incitata turba, feruntq;  
Hi nigras calathis uuas calcantiq; uicissim.  
Sunt alij qui uina cadis depromere, quiq;*

*Exonerare*

# C L Y P E V S.

Exonerare lacus & praela undantia certant,  
Inq; uices alij pugnis rixisq; citantur,  
Vestigantq; feras alij, leporesq; fugaces  
Insectantur, ad hæc duo corpora magna latrantum

Venationis  
imago.

Vndiq; sollicitis ceruos clamoribus urgent:  
Ast alij fugiunt celeres, cursuq; salutem  
Prata per & sylvas atq; inuia lustra sequuntur.

Curuli cer  
tamine aus  
rigæ coeunt

Parte equites alia biyugo certamine campum  
Corripiuntq; ruuntq; effusi carcere currus  
Aduersis spacijs, pendeniq; in uerbera proni  
Aurigæ, dant lora, uolant ui feruida circum  
Plaustrachoros, radijsq; fremunt, lapsuq; rotarum  
Impulsi ualidum titubant, queruliq; feruntur:

Quos inter dubio certaminis alea Marte  
Pendet, & alterius sese offert uiribus alter,  
Victor ut ex ista qui pugna excederet, auro  
Fulgentem caperet tripodem, quæ claudus in antro  
Muciber extuderat uaria & fabrefecerat arte.

Oceanus totam clypei circumluit oram  
In quo, si uideas, pisces quoq; uiuere credas:  
Quem supra Cygni quiddam lugubre sonantes  
Pendent, ast ipso pleriq; in gurgite nantes

Oceanus  
clypei mar  
gines clau  
dit.

Ethera permiscant cantu & garritibus undas.

Tam multæ attonitus miratur imaginis aurum  
Iuppiter, ad cuius mandata precesq; stupendum

# H E S I O D I

*Vulcanus mira clypeum compegerat arte.  
 Quem Ioue patre satus dextralibrare uirili  
 Ante alios poterat, nec erant grauius arma ferēti,  
 His ita munitus currum superinsilit armis,  
 Haud aliter radiās quā si mera fulmina cernas.  
 Et plauistro inuehitur leuiter, rectorq; Iolau  
 Dirigit æripedum incessum currumq; gubernat:  
 Cum subito placidum sese dea numen in orbem  
 Extulit humana facie Tritonia, & ipsos  
 Talibus aggreditur uerbis sicq; orsa profatur.*

*Minerua  
 currū Her-  
 culis ascen-  
 dit.*

*Vos ō Lincaea geniti de stirpe nepotes,  
 Huc agite, & monitis aures aduertite nostris,  
 Adjiciet uobis uires Deus ut spolia ampla  
 De Cygni clara uictores cæde feratis.  
 Hoc tamen hoc animo teneas Alcide. repostum,  
 Cum primum Cygni uitam tuus hauserit ensis,  
 Lingue, nec attingas quacunque excussa iacebunt  
 Arma, sed intentos oculos aduerte Gradivo.  
 Exuias cuius nulli spoliare liceret.  
 Et si forte latus clypeo nudauerit, basta  
 Mulnera agens celeri retrōq; in tuta recede.*

*Minerua  
 Herculi  
 Iolao.*

*Sic ait, & uolucres scandit Tritonia currus,  
 Aeternam portans famam nomenq; subactō  
 Victurum Cygno, flagris auriga citatis  
 Admonet æripedes, illiq; agitare sonantes*

*Incipiunt*

# C L Y P E V S.

Incipiunt axes uolucrig; insurgere cursu,  
 Diua quibus uires quassa dedit *Ægide Pallas*,  
 Imaque concrepuit tellus percussa uolantum  
 Cornipedū pedibus, cū plaustra hinc tollere & il-  
 Alcides, Cygnus Marsq; insatiabilis armis (hinc *Cōparatio*)  
 Auersi cœpère: uel ut sonat acta procellis  
 Vnda, uel ut subitis intertonat ignibus æther.  
 Sic isti stadium iuncti uenère sub unum,  
 Vnoq; aurigæ cursu iunxere iugales.  
 Et mixti impletunt crebris hinnitibus auras,  
 Moxq; propinquantem dictis ingressus acerbis  
 Alcides Cygnum. Quid equis curruq; uolanti *Hercules*  
 Intercludis iter, cur nos remoraris euntes? *Cygnus*  
 Quos scis pugnandi gnaros belliq; peritos.  
 Quare hinc uerte axes atq; interiecta uiarum  
 Septa aperi, ut liceat Trachini ad splēdida Regis  
 Mœnia ferre gradum, qui seruantissimus æqui  
 Mōtales inter Ceyx cognomine regnat:  
 Et qui te generum legit propriamq; dicauit  
 Consortem thalami natam tibi, cede proinde,  
 Cede patefcat iter, mihi uel dabis improbe pœnas:  
 Nam si mecū armis tentes decernere, non te  
 Eripiet fato genitor Mars, cuius & olim  
 Succubuit nostræ uis formidabilis hastæ,  
 Cum miser ante Pylum pugnandi raptus amore

# H E S I O D I

*In me torfit agens quantum furor ipse monebat  
 Iratus iaculum, contraq; ego nostra retorfi  
 Illius in corpus uiolentis uiribus arma.  
 Ter clypeo excepit iactus, ter pronus in armis  
 Procidit, & terram resupino uertice textit.  
 Mox alio ingressus telo clypeumq; recidi,  
 Transfixiq; femur medium, quo uulnere fractus  
 Concidit, inq; putrem subito prostratus arenam  
 Cum sonitu incubuit, spolijsq; exutus, ab alio  
 Plurima Dijs superis post pugnam fabula factus.*

*Sic ait Alcides: cuius nil uerba moratus  
 Gaudet equis Cygnus nimium confisus, & ultro  
 In terram prior hinc exultabundus & illinc  
 Desilit Alcides: sonitum dedit æthere tellus  
 Tam ualida percussa pedum grauitate, caballos  
 Aurigæ impulerant propius flagrisq; citabant,  
 Cum gemini heroes cupidis in mutua dextris  
 Arma ferebantur. Veluti de uertice rupes  
 Vi torrentis aquæ per saxa per ardua montis  
 Præcipitant, ualidoq; trahunt secum omnia lapsu  
 Strage data nemorum, quercus fractasq; sub ipso  
 Eripiunt alnos casu piceasq; uirentes,  
 Dum subiecta petant montis, campiq; iacentem  
 Planitiem: talis committebatur ab illo  
 Campestri sonitus certamine, tamq; propinqua*

*Mœnia*

*Cōparatio  
 Homero fre  
 quens.*



# C L Y P E V S.

*Mœnia Mirmidonū celebrisq; Anthææt Iolcus Hyperbolæ  
Atque Helice cōcussa dabant Arneq; fragorem.*

*Cum mixti diris utring; ululatibus auras*

*Pugnantes implent, clari moderator Olympi*

*Intonuit læuum omnipotens summoq; cruentas*

*In gremium terræ profudit ab æthere guttas,*

*Dilectifaciens in honorem talia nati.*

*Hæc Iones  
ro & Vir:  
sciaper s:  
gnū clades*

*Qualis aper medijs habitās in uallibus ingens*

*Aspectuq; ferox toruum & crudele tueur,*

*Incitus, inq; canes uenatoresq; cruentos*

*Horrendum cursu bellum molitur, & acres*

*Hostibus iniendit pugnans infligere dentes,*

*Et tetrum offensus calido uomit ore cruorem,*

*Fulmineosq; oculos, aciemq; in fronte minacem*

*Huc illūcque rotat dubius uultūque seuerat:*

*Desiliit haud aliter curru Ioue natus ab alto*

*Tempore quo uirides modulatricēsq; cicadæ*

*Ramorū assuetæ folijs petulanter inerrant,*

*Et matutinos per pinguia gramina rores*

*Nocte abeunte legūt, ut cum iam Phœbus apert2*

*Lustrarit mundi seriem, sua fundere plena*

*Carmina uoce queant: cumq; omnis pullulat arbor,*

*Et circumplectens segetem pubescit arista,*

*Ac Phœbus uerno uites oppalliat æstu.*

*Author lætitia Bacchus quibus eximit omnes*

*Cōperatioq;*

*Veris des  
scriptiores  
accidentiaq;*

# HESIODI

Solicii curas animi mentemq; leuassit.

Inter se heroes hac tempestate ciebant

Arma auidi, pariterq; animis in bella feroces

Certa ferebantur: Raptorum more Leonum

Qui magna extincti pro corpore praelia cerui,

Horrendo miscent sonitu, cælumq; fatigant.

*Comparatio*

*Homérica.*

Ceu ueluti gemini rostris in rupe cruentis,

Vulturij pugnant, cælum clangore petentes

Si quem forte uident loca per syluestria ceruum

Cornibus horredum, capreamq; per alta fugacem,

Quam telo fixit nemora inter densa uiator,

Quiq; loci ignarus ferrumq; uolatile linquens

Nec prædam insequitur, nec uestigare laborat,

Quam iuga delapsæ uolucres uix crura trahentem,

Arripiunt: hi sic heroes cominus armis

Congressi ualidis impellunt uocibus auras.

*Cygni cum*

*Hercule cer*

*uamen.*

Ac prior Alciden Cygnus consurgit in hostem,

Aggressusq; agitur, Clypeiq; insigne superbi

Percussit feriens hasta, sed in orbe quietum

Telum nequicquam pendens umbone, resedit.

Post etiam Alcides sua tela leuauit in ipsum

Acrius, & Cygni geminis qua partibus hæret

*Cygnus ab*

*Hercule in*

*terfiscitur.*

Ceruicem tetigit mediam, nexûsque reuulsit

Quæis galea & clypeus coeunt, qua cæde solutis

Neruorum uinclis, sed adhuc cū murmure lingue

In



# CLYPEVS.

In terram pronus cecidit, ceu uicta securi  
Sternitur infando gemitu decidua quercus.  
Ac uelut iecta sonat metuendo fulmine cautes,  
Sic terræ incubuit, magno simul arma cadentis  
Increpuere sono: cumq; expirasset, in ipsum  
Extemplo Alcides Martem se uertit, & acres  
Gradiuo intendens oculos crudele tuetur.

Ut leo qui sæuis prædam forte unguibus hausit, *Cōparatio.*  
Mox in diuersas illam trahit undiq; partes,  
Æthereas animam donec diffundat in auras,  
Et furit irarum plenus, circumque uolutat  
Circa oculos, toruū quiddam offensumq; tuentes:  
Hinc cauda atq; illinc humeros & terra flagellās,  
Sanguineisq; putrem pedibus conuoluit arenam,  
Ut facile aspectum contra uereantur euntes.

Haud alium Alcides Marti sese obtulit, ut qui  
Æstuat ingenti pugnae correptus amore.  
Ipse quoq; ex alia ueniēs Mars parte propinquat  
Alter in alterius stringentes pectora ferrum.

Ac uelut excusso resoluta è uertice cautes  
Excidit, & longum saltu defertur in orbem  
Dum cadat, & medium feriens in uallibus agmen

Hercules  
cum Marte  
congrédi a  
tur.

Græcorum  
more alias

# H E S I O D I

Sed Iouis Ægiochi soboles ueneranda præibat  
 Alciden Ioue patre satum, manibusq; ferebat  
 Ægida terrificam densa caligine circum  
 Nube superfusa tectam, qua freta superbum  
 Ingreditur tali uerborum fulmine Martem.

Patris  
 Marti.

Siste Gradiue iras dextramq; quiesce minacē,  
 Herculeæ spoliū de cæde merebere nunquam,  
 Clara nec eripies nato Iouis arma perempto.  
 Quare age discedas aliò conuersus ab armis,  
 Ne miscenda mihi quoq; sint noua prælia tecum.

Sic ait, ast nihil his duri indignatio Martis  
 Flectitur, exuperat magis ægrescitq; monendo.  
 Ingressusq; iterum longe uiolentius hostem  
 Si qua fata sinant stygias missurus ad undas,  
 Extinctiq; etiam spoliū rapturus, in illum,  
 Ergo manus iterum uertit, ferrumq; tetendit  
 In clypeum, cuius subito est sine uulnere telum  
 Palladis armigeræ dextra auertente repulsum.

Iratus diua Mars auxiliante perisse  
 Tam bene conceptū iaculū: rursus obuius ense  
 Arripit, atq; ipsum fertur furibundus in hostem  
 Amphitryoniadem: uerum ille interritus omnes  
 Excipit incursum, femorisq; ubi uidit apertam  
 Nec tectam clypeo confixit arundine partem.  
 Ingentem clypeum, magniq; uolumina scuti

Mars ab  
 Hercule in  
 femore unl  
 neratur.

Ictu

# C L Y P E V S.

*I*stu tam uadio media intercédit, at ille  
*P*rotinus incubuit madidæ superatus arenæ:  
*A*ccurrunt Pavor atq; Metus, dominūq; iacentē  
*E*xcipiunt, tolluntq; solo, corpusq; uolanti  
*I*mponunt alacres plaustro, sursumq; citatis  
*A*d superos portantur equis, & in astra leuātur  
*T*um satus Alcmena socio comitante Iolao,  
*E*xuijs Cygni pariter spolijsq; potiti,  
*A*scendere citi currum Trachina petentes  
*M*cœnia, se Pallas dea non mortalis in astra  
*E*rigit, & summi petit ardua tecta Tonantis.

*I*nterea cæso crudeli uulnere nato  
*I*usta facit Ceyx, & plebs ea funera passim  
*M*cœstia sequebatur loca quæ uicina tenebat.  
*M*irmidonumq; urbē celebrēmq; habitabat Iolcū,  
*E*t Ceyca urbes Helicēque Arnēq; iuuabant  
*H*orrendum generi funus deflere perempti.  
*C*uius & euerit tumulum populator Anaurus  
*H*ybernīs auctus pluuijs niuibusq; resurgens.  
*H*oc Latonæ illi natus mandarat Apollo  
*Q*uod qui pendebant centum Taurilia Delphis  
*A*nnua, crudeli dextra spoliasset adortus

*Ceyx* *Cy*  
*gno iusto fu*  
*nebria f43*  
*citi*

AD PETRVM NANNIVM,  
& Iacobum Latomum.

**P**annonia uates uos Ramus ab urbe salutat,  
Ultima Germano quæ stat in Imperio.  
Quamq; Getae toties Scythicis petière Sagittis,  
Et dici Latio more Vienna solet.  
Incolumis ualeo, quanquàm uix ista ualere  
Quæ uideo ante oculos stare pericla, sinant.  
Austria ubiq; armis & aperto Marte patefcit,  
Dura pharetrato bella mouente Geta.  
Tygris ut in summis fuit incita montibus, utque  
Æstuat amisso foeta læna uiro:  
Sic ferus Euxino ducens à littore Thraces,  
Turca per Austriacâ Marte uagatur humû.  
Cui nisi mox sumptis cum Cæsare uiribus, omnes  
Occurrent Latij Tætoniciq; duces:  
Cogetur Lybicus Europa subacta Tyrannis,  
Barbaricum famulo uertice ferre iugum.  
Altera sollicitat nostram formidine mentem,  
Altera plus isto causa timenda malo.  
Anulit huc nuper cæli contagio sæuam,  
Qua nihil in toto est tristius orbe luem.  
Quod modo si pergam narrare, uidebitis ardens  
Quam prope sit nostrum pestis adorta caput.  
Nuper

Nuper ut à cœna uinôq; meracius hausto,  
Composui placido membra leuanda thoro:  
Molliter abruptit cœptam nox atra quietem,  
Cum plus aut medium Luna teneret iter.  
Inueni attonita plenam formidine mentem,  
Atq; thorum lachrymis imnaduisse meis.  
Iamq; fugax tenebris oculos ludebat imago,  
Et terror qualem somnia noctis habent.  
Ipsaq; uicinas pestis quæ accenderat ædes,  
Altera solliciti causa timoris erat.  
Cœperat admonitu tanti mens ægra pericli  
Deficere, & subito frigore pectus agi,  
Cum subito exilui, non est timor iste fouendus,  
Non est hæc, dixi, pestis alenda metu.  
Illisusq; silex ferro mihi præstitit ignem,  
Et lumen præcepit sumpta lucerna dedit.  
Mox quoq; Nasonis ter quinq; uolumina sumpsit  
In trepidas, ut erant, flensq; gemensq; manus.  
Ecce sub aspectum mihi se liber ille ferebat,  
Qui medium à decimo bisq; duobus habet.  
Mox furor inuenit meus hic alimenta, dabásq;  
Materiam nostris inuide Naso malis.

Iamque intus sensi nigrum trahere ossa cruorem,  
Et carpi infesto uiscera adusta malo.  
Ante ea quam magnas caperet contagio uires,  
Consulta est medici docta potensque manus.  
Qui mox letali turgentem sanguine uenam,  
Illo quem primum repperit ense secat.  
Viscera paulatim sensi mea tabe leuari,  
Atque ægra ad uires membra redire suas.  
Inde sub incudem chartam calamumq; uocaui,  
Ista rudi ut uobis carmina Marte darem.  
Quos casum nescire nephas communis amici  
Credebam, & fati parte carere mei.

AD IACOBVM LATOMVM  
iuniorem, de Psalmis ab eo versis.

**H**ebraei partim diuina poemata uatis  
Fecisti in Latios molliter ire pedes.  
Fecisti, pergas, diis fortunantibus, in te  
Quam mala præcipiti Parca furore cadat,  
Aut iusto semper colophone poema carebit,  
Et qui perficiat cætera, nullus erit.  
Nec tantum assumet quisquam sibi, ut addere tætet  
Carmina carminibus æqua futura tuis.  
In quibus & uires atque ornamenta, fidemq;  
Et quicquid uates summus haberet, habes.



GRÆCA LATINIS

esse coniungenda.

**A** Græcis fons est & origo pfecta loquēdi,  
A magno ueluti flumina cūcta mari.

Illinc summorum fluxit prudentia uatum,  
Illinc irriguo fonte latina cadunt.

Ergo græca monet rectè iungenda latinis  
Tullius, à primis puberibusq; comis.

Viq; uno pariter permixta tenore bibantur,  
Alteraq; alterius lingua iuuetur ope.

GVILHELMVS COTVR-

noſſius in Clypeū Heliōdi verſum,  
à Ioanne Ramo.

**T** Rūca uidēs Italū ferri ſua ſcripta per orbē,  
Omnia nec Latio carmine uerſa legi.

Aſcræus genuit uates: Et quid iuuat, inquit,  
Sic mea truncato corpore ſcripta rapi?

Progenies ſuperum, & fratri quæ ſcripta colono,  
Auſonios olim uerſa iniere pedes.

Alcidæ Clypeus Cygnæaq; bella ſuperſunt,  
Gloria quæ noſtri prima laboris erant.

Omnia uel Latium leuat aut intacta relinquat.



Sensim.



**L O V A N I I,**  
Ex officina Reyneri Velpij Diestensis  
Typo. Iurati.

An. M. D. LIII.  
Men. Mar.